

Kico ta sosode si Gobernador firma e presupuesto?

Pa: Calixto "Tito" Sapuana

1. E teoria di Staatsregeling. E profesor di Universidad di Aruba y esun di Corsou a a declara cu Gobernador ta move den un grijs gebied (un area shinishi) dor cu e no ta firma e presupuesto. Y diadomingo e docente Arjen di Universidad di Corsou ta declara cu e Gobernador mester firma.

Segun e Reglemento pa Gobernador (Reglement voor de Gouverneur van Aruba, Rijkswet van 18 december 1985) e organo "Gobernador di Reino" ta encera 2 funcion: 1. Representante di Rey; 2. Hefe di estado di Aruba.

Awor como hefe di estado di Aruba e Gobernador no ta carga responsabilidad politico y como tal e mester firma, como contrasena, e proposicion di ley hunto cu e Ministro al caso. Den esey e 2 profesornan tin rason. Awor e pregunta ta surgi: Si e Gobernador firma, den e caso aki, e presupuesto 2014 ki consecuencia esaki tin pa Aruba?

2. Procedura y strategia di Gobernador

Laga nos bay n'e procedura parlamentario un rato. Ora cu e Ministro ta presenta e presupuesto 2014 na Parlamento. E ta presenta en realidad un mocion pa Parlamento atende cu ne. E presupuesto ta propiedad awor di Parlamento.

E Ministro no ta doño mas di e presupuesto. Parlamento ta analisa, discuti, coregi y aproba e presupuesto.

Parlamento despues di aproba e presupuesto, ta duna e presupuesto aproba pa Parlamento n'e Ministro di Finanza pa ehecucion.

Ministro di Finanza mester sigui encamina e proceso di aprobacion. Esta e ta hiba e presupuesto n'e hefe di Estado di Aruba, cu ta Gobernador pa nan 2 firma e presupuesto. Kico a sosode awor cu Gobernador como hefe di estado ta mira cu tin hopi emision (stelposten: PM) den e

presupuesto.

E ta haya como hefe di estado cu e no por firma un presupuesto ainda. Y ta nenga di firma e presupuesto aproba pa Parlamento. Esaki despues cu a debolbe e presupuesto 2 biaha bek p'e Ministro.

Aki nos ta weita un falta di respet pa Gobernador di parti di Ministro di Finanza. Te ainda nos mester constata cu Gobernador ta yudando y ta scapando cara di Aruba, di Gobierno. E hecho cu

Gobernador no a firma e presupuesto ta haci cu e asunto NO ta un RIJKAANGELEGENHEID (asunto di Reino) ainda.

Reino (les Minister Plasterk) a asumi cu Gobernador lo mester a firma e presupuesto como lider di estado cu no ta carga responsabilidad politico. Y aki Gobernador a muestra un patriotismo, un madurez y responsabilidad masha grandi mes pa pais Aruba y a nenga di firma. Reino anticipando (vooruitlopend) riba esaki ya a prepara e Koninklijk Besluit (Algemene Maatregel van Rijksbestuur-AMvRB) pa Gobierno di Aruba pa wordo aproba diabierna den e Rijksministerraad. Y e hecho cu Gobernador no a firma a haci cu esaki no por sigui.

Esey kier men cu te ainda e asunto no ta un asunto di Reino. Y te ainda ta asunto di Aruba. Contrario cu loke Prome Ministro ta declara. Y ta contradeci su mes. Pasobra en realidad no tin College van Financieel Toezicht ainda.

Y manera ta wordo menciona anterior dor di Minister Plasterk ta un comision di deskundige ambtenaren ta bin yuda nan amigo Prome Ministro. Uzando si e procedura di College van Financieel Toezicht.

3. Consecuencia di firmamento di presupuesto 2014

Awor si nos ta bay bek n'e pregunta cardinal: "Kico ta sosode

si Gobernador firma e presupuesto "zoals het hoort bij het kruisje". Segun e profesor di universidad y segun e Staatsregeling y Reglement voor de Gouverneur, e ora Gobernador mester a ofrece e presupuesto na Su Mahestad pa destruccion. Y tur e consecuencianan cu lo resulta dor di e hecho aki. Esta di pone bou curatela (KB) di henter Gobierno (KB nan tabata cla caba), y pone College van Financieel Toezicht traha.

Aki ta un muestra cu conocimiento no necesariamente ta prueba di practica.

Ex Ministro y Prome Ministro mester stop di critica Gobernador, kende a demostra di ta un patriotico y cu e ta stima e pueblo aki. Y kier evita un desaster masha grandi mes. El a evita cu por lo pronto nos lo no perde nos Status Aparte. Gobierno y Parlamento mester actua si cu madurez y no como muchachada. Y tuma e decisionnan concreto. Mas ainda cancela a nan reces y bin atende e asunto di finanza di Aruba.

4. Cua t'e consecuencianan Awor si CFT bin Aruba despues cu Gobernador firma e presupuesto y Gobierno haya su KB nan kico ta sosode, nos amigo docentenan?

E CFT ta primi e presupuesto den otro p'e Gobierno aki. Y ta keda Gobierno 3 opcion pa bay fia placa.

1. Fia placa riba mercado local manera Prome Ministro a bisa. Y di unda e fondonan aki lo bin? E banconan local ya caba a pasa nan limite pa fianza na Gobierno. Ya Gobierno a yega tambe na su limite cu e companianan di utilidad WEB, ELMAR y SETAR debi n'e proyectonan BERDE cu ta(bata) asina costoso.

Y APFA ta bashi caba debi n'e hecho cu Gobierno ya pa 5 aña caba no ta deposita e fondo (700 milyon di debe na APFA) retene di e empleadonan pu-

blico activo. Ni nan aflossing di hipoteca na APFA ta wordo deposita. Cu consecuencia cu nan por perde nan cas.

Prome Ministro a declara dia cu e pensioen obligatorio a drenta na vigor cu e fondonan lo wordo inverti den Aruba mes. Manera obligacionnan di Gobierno. E fondo aki ta na bida ainda o tin placa aden ainda?

5. Fiansanan riba mercado internacional

Aki e mester cooperacion di Reino Hulandes, cu ta controlando Gobierno via e CFT. Mirando e debenan astronomico cu Aruba tin caba internacional e institutonan internacional lo exige garantia di Reino. Hulanda lo duna esaki?

E di 3 opcion ta cu Gobierno ta pidi Hulanda pa yuda cu fianzanan. Hulanda lo no haci esaki pasobra tin cu acuerdo cu a resulta a consecuencia di un raport; "Op eigen benen" cu a conduci na institui Fondo di Desaroyo di Aruba (FDA) dor di Ministro di Finanza di e tempo ey. Y aki e Gobierno di e tempo ey a sera un acuerdo cu Hulanda cu Aruba no lo no haya ayudo di desaroyo mas desde 2010. Hulanda lo no kibra e acuerdo aki.

6. Gobierno no por retira Gobernador

Tin gritonan cu ta sali cu mester retira Gobernador. Wel segun Staatsregeling, nos Constitucion, Gobierno y Parlamento di Aruba ta propone un candidato na Reino. Y Rey ta nombra y por retira un Gobernador pa medio di un Koninklijk Besluit. Cu consecuencia por tin si gobernante sigui critica e Gobernador? E ora nos por haya nos independencia per luchtpost? Of via email?

Un conseho n'e profesornan pa no uza e buki di mr. Piet Pronk pa duna college na bo studiantenan. Bo mes studia e Staatsregeling y traha bo buki.

Servicio pa Comunidad



Emergencia

Brandweer:	911
Polis:	100
Polis Oranjestad:	102
Polis San Nicolas:	104
Polis Santa Cruz:	105
Polis Shaba:	107
Polis Tipline:	11141

Ambulance San Nicolas:	584-5050
Ambulance Sasaki:	582-5573
Ambulance Wayaca:	582-1234

Hospital:	527-4000
Centro Medico San Nicolas:	524-8833
SVB (AO-Ziekmelding):	527-2782

Botica na warda

Pabou di Brug: -

Pariba di Brug: -

Dokter na warda

Pabou di Brug:

Dr. -

Pariba di Brug:

Dr. Every

Servicionan

ELMAR Storingdienst:	523-7127
SETAR Storingdienst:	117
Digicel:	145
WEB Storingdienst:	525-4600
Reina Beatrix Int'l Airport:	524-2424
Serlimar:	584-5080
Arugas:	585-1198
Guarda Costa:	913

Funeraria

AD Patres:	5842299
Aurora:	5886699
The Olive Tree:	5820000

Fundacion

Rode Kruis Aruba	582-2219
FADA:	583-2999
Fundacion Respeta Mi:	582-4433
Fundacion Guia Mi:	587-1677
Muhe den Dificultad:	583-5400
Telefon pa Hubentud:	131
Centro Kibrahacha:	588-3131
Stichting Bloedbank:	587-0002
Mary Joan Foundation:	588-9999
Koningin Wilhelmina Fonds:	582-0412

Cas Editorial



The Media Group

Magrietstraat #3
Oranjestad, Aruba
Tel: 583-1400 fax: 583-1444

Orario oficina:

Dialuna pa diabierna
8am - 5pm

Cuenta di banco:

CMB #22982600

E-mail

Redaccion: noticia@awemainta.com
Aviso: aviso@awemainta.com

Abonament: Afl 25,- pa luna

Director:

Victor "Toko" Winklaar
Victor R. Winklaar